



Ntatemoholo
o tshwere
eng?

Re fuwe melao ya hore re rekise jwang ke titjhere ya rona ya dithuto tsa kgwebo. Nna le Mpho re dumellane ka ditjeho tsa ditshebeletso tsa rona tsa ho poletjha dieta. E! Ho poletjha dieta ke tshebeletso, eseng sehlahiswa jwalo ka dikuku le dino tse rekiswang ke bana ba bang.

Nna mosebetsi wa ka ke ho poletjha, athe ha e le Mpho yena o bitsa batho.




O bona eng
setshwantshong?

Kgwebo ya rona e se e hodile, ebile re se re e fumanetse sebaka sa tshebetso ka ha re re tlele sekolo.

Lebitso la yona ke *Shoeshine*, mme re behile mongolo o moholo o benyang hore batho ba se e sokole.

Ka baka leo, ho dula ho tletse tswete seabakeng sa rona sa kgwebo, e le ha batho ba batla dieta tsa bona di phatsime.



Theko ya ho bentsha dieta e bonahala ele bokae?

Re fihletse sebaka sena se setjha se hlobotse, mme se le bohlaswa ka baka la ho se sebediswe.

Ke ile ka kopa ntate wa ka hore a re hlomele tente e tlang ho re fa moriti, e le ho re sireletsa letsatsing.

Ke batla ho bona kgwebo ena e hodile, mme ke hlohonolofetse hore ntate wa ka o antshehetsa.

Ho qala kgwebo ke ntho e thata haholo, mme diphephetso tsa teng ha di fele.



Kajeno re kopanngwe le rakgwebo e moholo ya tsebahalang motseng mona ho bua ka *Shoeshine*.

Rakgwebo eo o re tlisitseditse ditaba tse monate, tse kgothatsang haholo ho rona. O itse o batla hore re poletjhe le ho phatsimisa dieta tsa ba lelapa la hae kamehla.

Sena se bolela hore *Shoeshine* e tlo fumana tjhelete ya batho ba leshome tsatsing le leng le le leng.



ho etsahalang
setshwantshong?

Kajeno ke etetse lebenkele le letjha la diaparo le butsweng ke Lerato, e mong wa baithuti sekolong.

Jwalo ka nna, Lerato le yena o ithutile ka tsa kgwebo sekolong, mme a kgothatswa ke kgwebo ya rona.

Re le metswalle le bana ba sekolo, re hloka ho kgothatsana ho ipulela dikgwebo tsa rona, kahaesebetsi e haella naheng ena. Ke thabile haholo ho bona lebenkele lena le bohehang la Lerato, ebile ke tlo reka sekipa ho mo tshehetsa.



Ke eng e
etsang
batho ba
rate
diaparo?

“Kenang ka hare le tlo bona diaparo tse ntle. Tlong le tlo fepa mahlo a lona. Kenang!” Lerato o hwehla batho ba fetang tseleng. Lerato o rekisa diaparo ka mefutunya tsona, ho tloha ho tsa bana ho isa ho tsabomme le bontate. “Ditheolelo ke tse hlotseng. Ha o sa kene o tla fetwa. Kena hobane kwekwe ya morao e tloha le sepolo,” ke Lerato eo. Batho ba arabela ka ho kena ka lebenkeleng ka bongata ho reka diaparo tsa thato ya bona.



Ebe mosebetsi wa ntate a emeng monyako ke eng?

Lebenkele la Lerato le ntswa Nkapese, mme mongolo wa lona o hohela batho ba feta ka tsela. Ke bao ba kenya ka bongata ka lebenkeleng, ba bang ba ntse ba sheba diaparo tseo ba di ratang, ha ba bang bona ba le moleng wa ho patala. Ba bang ba hlodisitse ka fenstere ya kgalase e bonaletsang, mme diphatla tsa bona di nomorehile kgalaseng. Lerato o na le balebedi ba netefatsang hore lebenkele la hae mmoho le bareki ba bolokehile.



Ka letsatsi la kgwebo sekolong, banana le bashemane ba ya hodima le tlase sa dikokonyana.

E mong le e mong o batla ho bona lebenkele la hae le rekisitse haholo.

Botle bo ditafoleng e ba bo makatsang hoo motho a ka se dumeleng hore ke mosebetsi wa bana ba sekolong.

Tlhodisano e bang moo ke e kgahlisang, mme ho a thabisa ho bona barekisi ba rokella ditshebeletso le dihlahiswa tsa bona.



O tsebe letsatsi la kgwebo ha se lona ebang le sa kenelletse diketsahalo tse qabolang. Mawana wa sehlopha se qalang o tla tjhelete ya hae ya pampiri e etsang diranta tse leshome. O rekile senomaphodi ka yona a sa tsebe hore ha a tlo sallwa ke letho, kaha senomaphodi e le diranta tse leshome. Monga lebenkele leo a rekileng ho lona a mo nkela ka thoko, yaba o a hlalosa hore hobaneng a sa fumana tjhentjhe.



Mosa ha a na tihalete e lekaneng ho ka reka dintho tse a di kgalletseng.

Ka baka lea Mosa o leka ho buisana le barekisi hore a fumane nyehlisetso.

Mosa o na le ditlhong, kaha a sa batle ho fetoha setshehisa baneng ba bang ba sekolo.

Bana ba sekolo ba sa itshwarang hantle ba dula ba mo tsheha hobane a phela ka boswefe, mme seo se mo etsa a tshabe ho ya bathong.



Ka letsatsi la kgwebo, barekisi ba tla ka maano a fapaneng ho hohela bareki mabenkeleng a bona.

“Tlhohong! Tlhohong! Ha o reka ka mashome a mabedi a diranta o fumana mpho ya teboho,” ho phatlalatsa morekisi wa dijo, Tshediso.

Bareki bohle ba lakatsa ho fumana mpho eo, mme ha ba utlwa tsebiso ba tloha mabenkeleng a mang ho ya ho la Tshediso. Ke semphete ke o fete ho ya lebenkeleng la Tshediso, ebile bareki ba hlodisana ka ho reka ka tjhelete e ngata ho ikgapela mpho.